

§. XII. Hactenus iure naturæ concessam esse usuram probavimus. Quod si vero sacrum codicem intueamur, non tantum Moses in instituta Republica Judaica nobis contrarius esse, sed etiam Prophetæ complures, sed etiam ipse Christus gravissime usurā videntur interdixisse. Quapropter quod primò Remp. Israëlitarum Mosis tempore florentem attinet, juxta Talmudicos sex leges sacræ negativæ occurunt, quarum violatio mutuum fœnore dantem comitabatur. 1.) Exod. XXII, 24. *Si pecuniam commodato dederis populo meo, qui est tecum, לא תחיזך לו כנשׁה non eris illi quasi exactor.* 2.) Levit. XXV, 37. *ארת כספך לאי תתן לו וברביה ת לא תתן בנשׁך Pecuniam non dabis illi ad usuram.* III.) *ibid.* Neg. pro incremento dabis illi frumentum tuum seu cibum aut annam tuam. IV.) *ibid.* v. 36. *Non accipies ab illo נשן ותרביה usuram vel incrementum.* Cujus Paraphrasis est illa altera Deut. XXIII, 19. *Non inferes morsum fratri tuo per usuram pecunie, & per usuram frumenti, & per usuram cuiuscunque rei quæ mordere potest.* V.) Exod. XXII, 24. *לא תשים עליך נטר Neque imponens illi usuram.* VI.) Levit. XIX, 14. *לפני עור לא תתן מכשול nec coram cæco pones offendiculum.* Conf. Selden. de J. N. & G. *juxta doctrinam Ebræorum L. VI. c. IX. p. 748.*

§. XIII. Verum quicquid sit de hisce legibus, nihil tamen ad destruendam sententiam nostram facere ex Politica Reip. Judaicæ eonsideratione patebit; quandoquidem illas neutiquam ad leges morales quibusvis hominibus observandas, sed ad Forenses saltim atque Politicas pertinere, adeoque ad solam Remp. Judaicam spectare restrictas esse cernimus. Quæ ut non nihil evidentius pateant, ex primis principiis rem deducere conabor. Quemadmodum nempe in Physicis notum est, quod omnis generatio & motus rerum creatarum ex saliente quadam puncto, ut voeant, proveniat, pari modo in magno isto animali artificiali, Remp. Judaicam puto, saliens quasi ejusmodi punctum est, ex quo omnes pronascuntur leges, per quas hominum actiones ad finem certum diriguntur. Cæterum in definiendo hoc puncto liceat mihi Politica uti voce, atque idem nominare Reip. Ebrææ rationem status, quam Deus Democratiæ similem esse voluit; verbo: *Summi in totam terram Canaan Dominii penes Israelitas æqualitatem.* Hanc enim primam apud Judæos legem fuisse, cui reliquæ singulæ suam debeant originem, constat primo ex divisione populi Judaici in duodecim tribus, penes quas simul summa